



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1842

XL. Die von Quitzow versetzen dem Heitkaland der Gegend von Plattenburg und Kletzke gewisse Hebungen aus Grube, im Jahre 1486.

Nutzungsbedingungen

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

tich wordenn fyn, hebben wi angeuallen de duchtigen vnd wolgebaren Clawefs vnd Reymann vann Quitzow, des ergnanten Hans van Quitzowes zelige fsone, vnd gebeden, vse vns vor sodan ghegeuen gutt von erem zeligen vadern muchten geuen cyn andere bequemere vnd fredesamere gutt, vpp dat de gude wille vnde andacht eres zelighen vaders muchte eynen vordtganck hebbenn. Deme Clawefs vnd Reymarus ergnanth so gerne hebben ghedan vnd gegheuen vor sodann geuen gutt von erem zelighen vadern eyne wisch belegghen vppe velde to fsemelyn, bonhomelick de upstal. Sodan wisch Ergnant hebben wi vmne fredes wille tor noghe angenehamen vnd lauen jn grothem louenn, jn krafft desses breues, vor vns, vnse nhakamelinge in to kamenden tiden, Clawefs vnd Reymarus vann quitzow eren eruenn to ewighenn tiden, wecklick to holdende eyne zelemisse, bonomelick alle middeweken, nach dem bogherde eres zeligen vaders, in dem anbachte der hilligen misse, de priesteren sick vme to kerende vnd to biddende vor de zelemn vorscheiden vth erem flechte. Desse puncte vnd artikelle alle, so bauenn ghescreuen stan, lauenn ick pryore vnd wy brodere vorgnant vor vns, vnse nhakamelinge in to kamenden tiden, denn duchtigenn Clawefse vnd Reymars gebroderen ergnant, erenn eruenn, to ewigenn tidenn vnuvbraken wol to holdende, sunder jenigerleye hinder, inval, hulperede, geuerde effte argelift. Dese to grottine louen vnd emer fseckerheit hebbe ick brodere Adam beckere prior, vor my myn Ingessegel, vnd wi brodere bauen benhomet vor vns, vnse nhakamelinge in to kamenden tiden, vnse ghemeyne conuentus Ingessegell witlick latenn hangen bonedden an dessen vnfen apenn breff. Ghegeuenn vnd gescreuenn nha cristi gebordt viertheynhundert Jare, darnha Im achtigstenn Jar, am frigidage nha Corporis cristi.

Nach dem Original.

XL. Die von Quitzow versetzen dem Heitkaland der Gegend von Plattenburg und Kletzke gewisse Hebungen aus Grube, im Jahre 1486.

Vor allen guden cristen luden, de dessen breeff seen, horen edder lesen, Bokenne ik kersten, en Quitzow, heminges Sone, tor grobe, dath ik myth wyllen vnde vulbort myner Broder Clawefs, hanfes vnde achimmes, vnde myth rade mynes vader broder achimmes vnde vnser rechten eruen, hebbe vorcoft vnde Jeghenwardighen myth craft deses breues to enen wedderkope vorcope den Erliken hern Dekene, kemerern vnde meynen broderen Geddiken vnd werliken des heitkalandes, bolegen vmme de plattenborch vnde cletzke, cyn lubesches punt effte XV schillinge stendalch pacht van ener houen tho dorpewarth bolegghen in deme haue tor grobe, dar vnse vater vppe waneth heft, vnde nu thor tyd uppe waneliken vnde bodreneth achim ghifseke, vor neghen punt stendelscher weringe, De ik kersten, en Quitzow erbonometh, wol tor nuge van den vorsecreuen heren entfangen hebbe vnde yn myn vnde myner vorbonomeden boleken nuth vnde vramen gekereth hebbe, wor vnfs dath noth vnde bohoff was. Ok van desfer upgnanten houen schalen de vorsecreuen hern upbaren alle Jar Sodane lubesche punt tho rechter pacht tyth, sunder Jennigerleye hinder. Ok So wil ik kersten, en Quitzow, myth mynen broderen vnde ik achim, en Quitzow, vnde vnse rechte eruen, der vorbonomeden hern des vorbonomeden paches en recht were wesen vor alle de ghenne, de recht gheuen vnde nemen willen. Wereth ok, de man effte bodriuer der hope an em vorsetich worde vnde de pacht nicht vth gheue, So maghen de vorsecreuen hern panden vmme de pacht, wa vaken em des nod vnde behuf is, Sunder alle rechte, gheuer vnde brake. Ok so hebben de vorbonomeden hern my vnde mynen bro-

dem este vnfen eruen ghunt enen wedderkop etc. —. To groteren louen vnde mer bokanthniffen, So hebbe ik kerften, en Quitzow, var my vnde myne brodder vnde ik achim, en Quitzow, vor my vnde vnse eruen, Myth witscop der duchtigen mannen gherke eaphingest, Curd appelle, wedege bargestorpe vnde hans rathenow, vnse Ingheseghele heten hanghen nedden an dessen apen breff, De gegheuen vnde sereuen is Na der bort christi vnfses hern Dufent veer hundred, darna in deme Soefs vnde achtechtesten Jare, am dage wilbrordi defs hilgen bichuaders.

Nach dem Original des Rathsarchives zu Prizwalf.

XLI. Die von Quitzow versehen dem Heitkalande der Gegend um Plattenburg und Kletzke einige andere Hebungen aus Grube, im Jahre 1489.

Vor allen guden cristen luden, de dessen breff zen, horen effte lezen, Bekennen wi Achim vnd kerften, Claus, hans, henning kindere, alle ghebeten de van quitzow, tor grobe, vedern vnd broderen, dat wy met wolbedachten mode vnde frigen willen vor vns vnd vnse eruen hebben verkofft vnd iegenwerdighen verkopen, met crafft deses breuefs, to eynem wedderkope, den erfamen hern vnd broderen des heytkalandes, gheistliken vnd werliken, belegen bi der plattenborgch vnd kletzke, XXIII stend. schill., alz XV schill. an eynem houenpacht vnd IX schill. van ener wiffs, belegen vp der feltmarke tor grobe, vnd in dem haue, dar nu tor tid vp waneth casper nigeman, de desse vorgnanten houe bedrest vnd der wiffk sik bruket. Sodan vorgescreuen XXIII stendalsch schill. casper nigeman effte sine nakamelinghe vthgeuen alle jar vp den wilsnackefchen iarmarkede vnd vorantworden den vorstenderen des heytkalandes. Worde 'ok brogk an desfer erscreuen baringhe vnd tor rechter tid nicht vthqweme, maghen fse darvm panden effte panden laten, so vaken alz id en nod vnd behuff weret, funder brake. Vor desse erscreuen pechte hebben vnfs de vpgnanten hern wol tor noghe berhedet vnd an ener tzummen to dancke gheuen fofs sehok stendalsch weringe, alz II stendalsch punt vor eyn schock, de wi in vnfen vnd vnfen eruen framen ghekeret hebben. Darto will wi vpgnanten quitzowen den vorfcreuen hern vnd brodern desfer vorfcreuen pacht eyn recht were wesen vor alle de etc. —. —. Alle desse baneforeuen artikele vnd eyn islik bi figk laue ik Achim quitzow, alz eyn houetman, vnd wi kerften, claus, hans, vor vnfs vnd vor vnfen vnmundighen broder achim, alz trwe medelaueren, stede, vaste vnd vnuorbraken wol to holdende, funder hulpworde, arghelest effte qwad gheferde, gheftlikels effte werlikels gerichtes. Weret ok wes versumet in dessen breue effte ienich schaden to qweme, dat schal vnfs an beyden parten vnchedeliken sin. To grotteren louen hebben wi vorfcreuen quitzow islik vnse eygen Ingheseghel wiliken heten anhanghen an dessen apen breff. Geuen na der bord cristi verteynhundert, darna in dem negen vnde achtigesten Jare, in sunte laurentius daghe, defs hilgen mertelerers.

Nach dem Original des Rathsarchives zu Prizwalf.